

ერთის მხრივ, სსიპ - ცხოველთა მონიტორინგის სააგენტო, წარმოდგენილი დირექტორის მოადგილის
ალექსანდრე კოდუას სახით (შემდგომში წოდებული „შემსყიდველად“)
მისამართი: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24;
საიდენტიფიკაციო კოდი: 205316399;
საბანკო რეკვიზიტები: სახელმწიფო ხაზინა, ხაზინის ერთიანი ანგარიში ბ/კოდი: TRESGE22

მეორეს მხრივ, შპს „ბიოლენდი“, წარმოდგენილი დირექტორის მინდობილი პირის ზურაბ ცინცაძის
სახით (შემდგომში წოდებული „მიმწოდებლად“)
მისამართი: ქ. თბილისი, სავანელის ქ. #14;
საიდენტიფიკაციო კოდი: 204568146;
საბანკო რეკვიზიტები: სს „საქართველოს ბანკი“, ბ. კ. BAGAGE22, ა/ა GE38BG0000000333461100;

სსიპ - ცხოველთა მონიტორინგის სააგენტომ ქვეწარმავლების საწინააღმდეგო რეპელენტის სახელმ-
წიფო შესყიდვის მიზნით გამოაცხადა გამარტივებული ელექტრონული ტენდერი აუქციონის გარეშე
NAT170007399, სადაც გამარჯვებულად მიჩნეული იქნა შპს „ბიოლენდი“. „სახელმწიფო შესყიდვების
შესახებ“ საქართველოს კანონის გათვალისწინებით ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდვე-
ლსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია
მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა
მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით
შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს ხელშეკრულებით გათვალისწინებული საქონლ-
ის მიწოდებას.
- 1.6. „შესყიდვის ობიექტი“ - ხელშეკრულების მე-2 მუხლით გათვალისწინებული ხელშეკრულების სა-
განი.
- 1.7. „სატენდერო წინადადება“ - მიმწოდებლის მიერ სსიპ - ცხოველთა მონიტორინგის სააგენტოს
მიერ ფარმაცევტული პროდუქტების - ქვეწარმავლების საწინააღმდეგო რეპელენტის - სახელმწიფო
შესყიდვის მიზნით გამოაცხადებულ გამარტივებული ელექტრონული ტენდერში აუქციონის გარეშე
NAT170007399, წარმოდგენილი ტექნიკური დოკუმენტაცია და ფასების ცხრილი.

2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს, თანდართულ დანართში მითითებული
ქვეწარმავლების საწინააღმდეგო რეპელენტის (შემდგომში „საქონელი“) შესყიდვა, ზემოაღნიშნული
სატენდერო წინადადების, სატენდერო დოკუმენტაციის და წინამდებარე ხელშეკრულებით
გათვალისწინებული პირობების შესაბამისად (CPV33691000 - *პარაზიტების საწინააღმდეგო
საშუალებები, ინსექტიციდები და რეპელენტები*);
- 2.2. შესყიდვის ობიექტის დასახელება, მწარმოებელი ქვეყანა, მწარმოებელი კომპანია, რაოდენობა,
გარანტიის ვადა, ერთეულის ფასი, საერთო ფასი მოცემულია დანართში №1 რომელიც თან ერთის
ხელშეკრულებას და წარმოადგენს მის განუყოფელ ნაწილს.
- 2.3. შესყიდვა ხორციელდება სსიპ - ცხოველთა მონიტორინგის სააგენტოს საკუთარი შემოსავლების
ფარგლებში.

3. მხარეთა მოვალეობები

მიმწოდებელი ვალდებულია:

3.1. გადასცეს შემსყიდველს ამ ხელშეკრულების პირველ მუხლში მითითებული ნივთობრივად და უფლებრივად უნაკლო საქონელი. რეპელენტი უნდა შესაბამებოდეს სატენდერო დოკუმენტაციაში მოცემულ მოთხოვნებს;

3.2. გადასცეს შემსყიდველს ქვეწარმავლების საწინააღმდეგო რეპელენტი, რომელიც უნდა იყოს ბიოლოგიური შემაჩერებელი საშუალება, უნდა გააჩნდეს, როგორც დახურულ სივრცეში (შენობებში), ასევე გარემოში (შიდა ეზოები, ბაღები, მინდვრები) ზემოქმედების უნარი. განკუთვნილი უნდა იყოს როგორც პროფილაქტიკური, პრევენციული, ასევე იძულებითი გამოყენებისთვის;

3.3. შემსყიდველს მიაწოდოს პრეპარატი, რომელიც უნდა იყოს ქარხნული წარმოების, არ უნდა იყოს დაზიანებული. უნდა ჰქონდეს ხანგრძლივი მოქმედების (არანაკლებ 30 დღე) ეფექტი, ძლიერი წვიმების შემთხვევაშიც კი. უნდა იყოს უსაფრთხო, როგორც გარემოსათვის, ისე ადამიანებისათვის, არ უნდა დააზიანოს მცენარეები, გაზონები, ბაღები და ყვავილები;

3.4. რეპელენტის გამოყენება უნდა ხდებოდეს მარტივად: შენობის, ან მიწის ნაკვეთის მთლიანი დამუშავებისთვის, მოსამზადებელი სამუშაოების ჩატარების შემდეგ, საკმარისი უნდა იყოს შემოთავაზებული პრეპარატით დასამუშავებელი ფართობის პერიმეტრის შეწამვლა, აღნიშნული მეთოდით 1 (ერთი) ლიტრი პრეპარატით უნდა შეიწამლოს არანაკლებ 800 (რვაასი) მეტრიანი პერიმეტრი;

3.5. გადასცეს შემსყიდველს რეპელენტი, ხსნარის სახით, დაფასოებული წყალგაუმტარ ჭურჭელში, დაფასოება მოთხოვნის შესაბამისად, 1 ან/და 5 ლიტრიან ჭურჭელში, რომელიც უნდა იყოს მარკირებული, ნათლად უნდა იკითხებოდეს მოქმედების ვადა, აგრეთვე უნდა იყოს ისეთი შეფუთვით, რომელიც დაიცავს მას დაზიანებისგან, გაფუჭებისგან დანიშნულების ადგილამდე ტრანსპორტირების პროცესში და ასევე შენახვის პერიოდში. მიწოდებისას პრეპარატს უნდა ახლდეს ანოტაცია, შემადგენლობის, გამოყენების ინსტრუქციის მითითებით. შესაძლებელი უნდა იყოს შემოთავაზებული პრეპარატის შენახვა ოთახის ტემპერატურაზე;

3.6. შემსყიდველის მოთხოვნის შემთხვევაში საკუთარი ხარჯებით მოახდინოს სააგენტოს თანამშრომელთა დატრენინგება შემოთავაზებული პრეპარატის გამოყენებისა და უსაფრთხოების წესების დაცვასთან დაკავშირებით.

3.7. მიმწოდებლის ვალდებულება საქონლის გადაცემაზე ითვლება შესრულებულად შემსყიდველისათვის საქონლის გადაცემის მომენტიდან. საქონლის გადაცემასთან ერთად, *მიმწოდებელი ვალდებულია* გადასცეს შემსყიდველს ყველა შესაბამისი დოკუმენტი.

შემსყიდველი ვალდებულია:

3.8. მიიღოს საქონელი და გადაიხადოს მისი ფასი ამ ხელშეკრულებით გათვალისწინებული პირობებით;

3.9. საქონლის მიღებისას, შეამოწმოს მისი დასახელების, რაოდენობის და ხარისხის შესაბამისობა ამ ხელშეკრულების პირველი მუხლით შეთანხმებულ საქონელთან.

შემსყიდველი უფლებამოსილია:

3.10. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

3.11. შემსყიდველი უფლებამოსილია:

მიწოდებულ პრეპარატს შერჩევითად ჩაუტაროს სათანადო ექსპერტიზა, თუ ექსპერტიზით დადგინდება პრეპარატის შეუსაბამობა შემოთავაზებული პრეპარატის შემადგენლობასა და შემსყიდველის მოთხოვნებთან, მიმწოდებელს ყოველ ასეთ შემთხვევაზე დაეკისრება პირგასამტეხლო, ხელშეკრულების საერთო ღირებულების 3% ოდენობით და განესაზღვრება ნაკლის მქონე პროდუქციის უნაკლოთი ჩანაცვლების ვალდებულება, შეტყობინებიდან 2 (ორი) სამუშაო დღის განმავლობაში. აღნიშნული პირობების შეუსრულებლობა მიიჩნევა ხელშეკრულების შეუსრულებლობად.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს 4 700.00 (ოთხათასშვიდასი) ლარს;

4.2. ხელშეკრულებით გათვალისწინებული საქონლის ერთეულის ღირებულება მოცემულია ხელშეკრულების დანართში №1;

4.2. ხელშეკრულების ჯამური ღირებულება მოიცავს მიმწოდებლის მიერ გასაწევ ყველა ხარჯს, მათ შორის კანონმდებლობით გათვალისწინებულ ყველა გადასახადსა და ტრანსპორტირების ხარჯებს.

5. ანგარიშსწორების წესი

5.1. შემსყიდველი იღებს ვალდებულებას, აუნაზღაუროს მიმწოდებელს ხელშეკრულებით განსაზღვრული შესყიდვის ობიექტის ღირებულება მიღება-ჩაბარების აქტის გაფორმებიდან და წინამდებარე ხელშეკრულების 6.4. პუნქტში მითითებული დოკუმენტაციის წარმოდგენიდან 10 (ათი) სამუშაო დღის განმავლობაში;

5.2 ანგარიშსწორების ვალუტა – ლარი;

5.3. გადახდის ფორმა – უნაღდო.

6. შესყიდვის ობიექტის მიწოდების ადგილი, ვადები და მიღება-ჩაბარების წესი

6.1. შესყიდვის ობიექტის მიწოდება უნდა განხორციელდეს შემსყიდველის მისამართზე: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24;

6.2. პრეპარატის მიწოდება უნდა მოხდეს ეტაპობრივად, ხელშეკრულების გაფორმებიდან 2017 წლის 30 სექტემბრის ჩათვლით, მოთხოვნიდან 2 (ორი) კალენდარული დღის ვადაში.

6.3. საქონლის მიწოდებასთან ერთად მიმწოდებელი ვალდებულია უზრუნველყოს ყველა შესაბამისი დოკუმენტაციის წარდგენა შემსყიდველისათვის (სასაქონლო ზედნადები, არსებობის შემთხვევაში საგადასახადო ანგარიშგაქტურა);

6.4. შესყიდვის საგანი ჩაითვლება მიღებულად მას შემდეგ, რაც მხარეებს შორის გაფორმდება მიღება-ჩაბარების აქტი. მიღება-ჩაბარების აქტზე ხელმოწერის უფლებამოსილება შემსყიდველის მხრიდან მიენიჭოს სააგენტოს ადმინისტრაციული დეპარტამენტის საფინანსო და მატერიალურ-ტექნიკური უზრუნველყოფის განყოფილების მთავარ სპეციალისტს (ტექნიკურ მენეჯერი) ან/და სააგენტოს ადმინისტრაციული დეპარტამენტის საფინანსო და მატერიალურ-ტექნიკური უზრუნველყოფის განყოფილების უფროსს.

7. ხელშეკრულების მოქმედების ვადები

7.1. წინამდებარე ხელშეკრულება ძალაში შედის მხარეთა უფლებამოსილი წარმომადგენლების მხრიდან ხელმოწერის დღიდან და მოქმედებს 2017 წლის 30 ნოემბრის ჩათვლით.

8. ხელშეკრულების შესრულების კონტროლი (ინსპექტირება)

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების (საქონლის მიწოდების ადგილი, საქონლის ხარისხი, რაოდენობა და ა.შ.) შესრულებაზე;

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განხორციელება, შემსყიდველის მხრიდან, ევალება სსიპ – ცხოველთა მონიტორინგის სააგენტოს ოპერატიული რეაგირებისა და მონიტორინგის განყოფილების უფროსს ან/და ამავე განყოფილების უფროსის მოადგილეს;

8.3. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში;

8.4. კონტროლის განხორციელებისას მიმწოდებელი ვალდებულია შეასრულოს „ელექტრონული ტენდერისა და ელექტრონული ტენდერის ჩატარების წესით“ განსაზღვრული მოთხოვნები;

8.5. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების შეწყვეტა

9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება საქონლის ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორებაც შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში;

9.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

- გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;
- დ) მიმწოდებლის მიმართ დაიწყო გაკოტრების საქმის წარმოება;
- ე) საქართველოს კანონმდებლობით გათვალისწინებულ სხვა შემთხვევებში.

10. მხარეთა პასუხისმგებლობა

10.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის და ვადაგადაცილებისთვის მხარეებს დაეკისრება პირგასამტეხლოს გადახდა, ვადაგადაცილებისთვის - ყოველ ვადაგადაცილებულ დღეზე, შეუსრულებელი ვალდებულების ღირებულების 0,1%-ის ოდენობით, ვალდებულებების შეუსრულებლობის ან არაჯეროვანი შესრულების შემთხვევაში კი ხელშეკრულების ღირებულების 3%;

10.2. შემსყიდველი უფლებამოსილია მოწოდებულ სადებიზინფექციო საშუალებას შერჩევითად ჩაუტაროს სათანადო ექსპერტიზა, პრეპარატის შემადგენლობის დასადგენად. თუ ექსპერტიზით დადგინდება პრეპარატის შემადგენლობის შეუსაბამობა შემსყიდველის მოთხოვნებთან, მიმწოდებელს ყოველ ასეთ შემთხვევაზე დაეკისრება პირგასამტეხლო, ხელშეკრულების საერთო ღირებულების 3% ოდენობით და განესაზღვრება ნაკლის მქონე პროდუქციის უნაკლოთი ჩანაცვლების ვალდებულება, შეტყობინებიდან 10 სამუშაო დღის განმავლობაში. აღნიშნული პირობების შეუსრულებლობა მიიჩნევა ხელშეკრულების შეუსრულებლობად;

10.3. იმ შემთხვევაში, თუ დაკისრებული პირგასამტეხლოს ჯამური თანხა გადააქარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება;

10.4. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან;

10.5. საჯარიმო სანქციით დაკისრებული თანხა გადახდილ უნდა იქნას მხარისთვის (მიმწოდებელი) აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 (ერთი) თვისა და მხარემ პირგასამტეხლოს გადახდის დამადასტურებელი დოკუმენტი უნდა წარმოადგინოს გადახდიდან 5 (ხუთი) დღის ვადაში.

11. ფორს-მაჟორი

11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების, ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებით;

11.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.);

11.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

12. ხელშეკრულების პირობების გადასინჯვის წესი

12.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

12.2. ამ ხელშეკრულების 12.1. პუნქტით განსაზღვრულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

12.3 გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

12.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 12.1, 12.2. და 12.3. პუნქტებით განსაზღვრული შემთხვევებისა.

13. ხელშეკრულებაში ცვლილებებისა და დამატებების შეტანის წესი

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

13.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;

13.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

13.5. ხელშეკრულების 15.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წაწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

14.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

15. საპატენტო უფლებები:

15.1. საქონლის, ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის გამოყენებასთან დაკავშირებით წარმოშობილი დავების, ან მატერიალური პასუხისმგებლობის მოგვარება ეკისრება მიმწოდებელს.

16. გარანტია

16.1. მიწოდების მომენტისთვის, შესყიდვის ობიექტის ვარგისიანობის ვადა უნდა შეადგენდეს არანაკლებ 1 (ერთი) წელს.

16.2. თუკი ხელშეკრულების მეორე მუხლით გათვალისწინებულ საქონელს, სწორი ექსპლუატაციის პირობებში, ხელშეკრულების 16.1. პუნქტში აღნიშნულ საგარანტიო ვადაში, აღმოაჩნდება რაიმე ნაკლი, მიმწოდებელი ვალდებულია, შემსყიდველის მოთხოვნის შემდეგ გონივრულ, მაგრამ არაუმეტეს 5 (ხუთი) სამუშაო დღის ვადაში, გამოასწოროს ნაკლი ან, შეცვალოს საქონელი ახლით, სრულად საკუთარი ხარჯით.

17. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

18. დასკვნითი დებულებები

18.1. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად ამ დოკუმენტის თავში მითითებულ დღესა და წელს

18.2. ხელშეკრულება შედგენილია ქართულ ენაზე სამი თანაბარი იურიდიული ძალის მქონე ეგზემპლარად, რომელთაგან ორი გადაეცემა შემსყიდველს, ხოლო ერთი – მიმწოდებელს).

მხარეთა რეკვიზიტები:

შემსყიდველი:

სსიპ - ცხოველთა მონიტორინგის სააგენტო



ალექსანდრე კოდუა
დირექტორის მოადგილე

მიმწოდებელი:

შპს "ბიოლენდი"



ზურაბ ცინცაძე
დირექტორის მინდობილი პირი

№	დასახელება (საფირმო)	მწარმოებელი ქვეყანა/ მწარმოებელი ფირმა	ვარგისიანობის ვადა	განზ-ბა	რაო-ბა	ერთეულის ფასი (ლარი)	საერთო ღირებულება (ლარი)
1	ქვეწარმავლების ბუნებრივი დამაფრთხოებელი	საქართველო/ შპს „ბიოლენდი“	მოწოდების მომენტისთვის სამი წელი	ლიტრი	100	47.00	4700.00

შესყიდვის ობიექტის ჯამური ღირებულება შეადგენს 4 700.00 (ოთხიათასშვიდასი) ლარს.

შემსყიდველი:

სსიპ - ცხოველთა მონიტორინგის სააგენტო


ალექსანდრე კოდუა
დირექტორის მოადგილე

მიმწოდებელი:

შპს "ბიოლენდი"


ზურაბ ცინცაძე
დირექტორის მინდობილი პირი